

Cēptyoonkōōyēētaap Sōōnkōōkwo ākoo Mōnōyoo

Kinṅeet yikyee, kicōōrōōnuut :sōōnkōōkwo ākoo mōnōyoo kōt. Kyookiisyii :tukwaay pēsyoōsyōk tōkōl. /Kicipēētii katyaap mpo sōōnkōōkwo pokyoomiisyii, /cēēpēētii katyaap mpo mōnōyoo pokyoomiisyii ānku /cēēpēētii yeecay po /kyookiisyii ānku /ciirōōtuu tukuuk.

Nto mii pēsyeēt ake, /ceepa katyaap mpo mōnōyoo. Yu /kaceepunto le, /cēēnyōōr le kimāmiitē nkuyēēk cēē kyoomtooy kumnyēēt. Yooto, kumwooci :mōnōyoontō sōōnkōōkwo kule, “Paa, kany alalaany keey anii sukucō :mwaatya nyēē sikyaamtee kumnyooni” Yooto yaat le, kuulaay :mōnōyoontō maat ankuulalaany keey. Kucol :mwaatya kurōōt nyēē kiyēmē kyaamta kumnyēēt! Kwoomiis :tukwaay kupiyoong’iis. Nto kaamiit le, /ceepa yeecay yēēc pokyookiis.

Kunṅeet pēsyeēt ake yēēc kumwooci :sōōnkōōkwo mōnōyoo kule, “Paa, kany yēēc cipe kanyoo aceek”. Yooto /cipa. Yu kāwocēēpunto katyaap mpo sōōnkōōkwo le, kwiitya :ṅaleek caakyee po katyaap mpo mōnōyoo. Kimāmiitē nkuyēēk. Kumwooy :sōōnkōōkwo kule, “Paa, mōnōyoo, ntēē māmiitē nkuyēēk aa, kyiiyē yaat le nēē?” Kulē yaat :mōnōyoontō, “Ntēēkyaalalaany keey anii yityee kunyi ntēē kameeyiy ra nyii wuu nyitinyoo nto kucō kiisiic nyēē kakyaamte.”

Nteenee yaat le, kisiic :sōōnkōōkwo kōt. Nto pērē asyeem le alalaany keey, wokulay kupōk!

Poorwēēc :tyoonkōōcooni le, muucē kupoonto :mokoryoontō waareekyii cēē cooṅēc. Yoo kēēnum mpo akeenke ankutil, tākumiitē :cuut alak. Nto yoo kēēnum :panana nyeenyii akeeke paatee le, kuṅētuu neeto puc! Kunyi nēētēēc tyoonkōōcooni le, -mēēyuuyēē keey mokoryoo.